

TOSHKENT DAVLAT YURIDIK UNIVERSITETI REKTORINING
BUYRUG' I

2020-yil « 11 » 09

02-118 -son

**Тошкент давлат юридик университетида
Фахрийлар кенгаши фаолиятини ташкил этиш тўғрисида**

Ўзбекистон Республикаси Президентининг “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги 2020 йил 29 апрелдаги ПФ-5987-сон Фармони, Ўзбекистон Республикаси Вазирлар Маҳкамасининг “Кекса авлод вакилларининг жамиятдаги ўрни ва ижтимоий фаоллигини янада ошириш чора-тадбирлари тўғрисида”ги 2019 йил 21 сентябрдаги 816-сон қарорида белгиланган вазифалар ижросини таъминлаш ҳамда Тошкент давлат юридик университетида Фахрийлар билан ишлаш тизимини янада яхшилаш, юридик таълим соҳасида узоқ йиллар давомида самарали меҳнат фаолиятини олиб борган фахрийларнинг бой тажрибаларидан таълим ва тарбия жараёнини ташкил этиш, илмий юксалиш жараёнида фойдаланиш ҳамда “Устоз – шогирд” анъаналарини муносиб давом эттириш мақсадида

Б У Ю Р А М А Н:

1. Тошкент давлат юридик университети Фахрийлар кенгаши (кейинги ўринларда Фахрийлар кенгаши деб юритилади) фаолиятини ташкил этиш тўғрисидаги низом иловага мувофиқ тасдиқлансин.

2. Университет Фахрийлар кенгаши аъзолари томонидан билдирилган таклифларни инобатга олиб Тошкент давлат юридик университети Фахрийлар кенгаши раиси лавозимига Давлат ва ҳуқуқ назарияси кафедраси профессори, Бобоев Ҳалим Бобоевич тайинлансин.

3. Университетда ёши катталарга нисбатан ҳурмат ва эҳтиром кўрсатиш, шунингдек иш ва ўқиш жараёнида одоб-ахлоқ ва инсоний

фазилатлар ҳар бир ходим ва талаба фаолиятининг асосий меъзонига айланиши кераклиги кўрсатиб ўтилсин.

4. Таркибий бўлинма раҳбарлари университетда таълим-тарбия жараёнини ташкил этиш, ёшларни илм фанга қизиқтириш ҳамда ўз фаолият йўналушларини самарали ташкил этишда Фахрийлар кенгаши аъзоларининг бой тажрибаларидан фойдаланиш ва улар билан ҳамкорликда қатор лойиҳаларни амалга ошириш чораларини кўрсин.

5. Маънавият ва маърифат маркази (Ш.Пўлотов), Кадрлар бўлими (А.Матмуратов) ҳамда факультет деканлари:

Фахрийлар кенгаши фаолияти бўйича ходим ва талабалар ўртасида тушунтириш ишларини олиб борсин;

ходим ва талабаларнинг ахлоқий, тарбиявий кўникмаларини янада ривожлантириш, уларда ватанга муҳаббат ва шукроналик туйғуларини шакллантириш, танлаган касбларига бўлган муҳаббатларини янада ошириш мақсадида Фахрийлар кенгаши аъзолари билан мунтазам равишда учрашувларни ташкил этсин;

“Устоз – шогирд” анъаналарига мувофиқ талаба ва ёш ходимлар билан Фахрийлар кенгаши аъзолари ўртасида “Мулоқот кўприги”ни ташкил этиш чораларини кўрсин.

6. Ушбу буйруқ ижросини назорат қилиш проректор А.Ҳошимхонов зиммасига юклансин.

Ректор

Р.Ҳакимов

